



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Septiceps Lvthervs, Vbiqve Sibi, Svis Scriptis contrarius,
in visitationem Saxonicam**

Cochlaeus, Johannes

Parisiis, 1564

De exeqiis mortuorum, cap. 27.

urn:nbn:de:hbz:466:1-35803

De exequiis mortuorum.

CAPVT

XXXII.

Multa quidem & falsò & iniuriosè diuersis libris cōtra pia suffragia, quæ ex lege charitatis viui pro defunctis exhibuerunt M. D. annis, atque adhuc hodie exhibent veri Christiani: scripsit Lutherus iam per annos plus minus octo, posteaquam reiectius ac reprobus & inobediens Ecclesiæ spurius, ex filio factus est suā ipsius culpa. Sed pluribus ante annis & scripsit, & docuit, atque etiam fecit contrarium, dum regeretur spiritu Ecclesiæ, sicut viuum eius membrum. Si ergo non vis esse induratus Pharao (Illustrissime Princeps) longè tutius & honestius ea probabis & acceptabis, quæ ille per spiritum Ecclesiæ, & docuit & fecit, quam ea, quæ post per superbiam & inobedientiam, in reprobū sensum datus, instinctu odióque & inuidia Diaboli, contra pias animas euomuit, & quidem non in aliis munitus vel scripturis, vel rationibus, nisi falsissimo isto somnio verius quam fundamento, Missam non esse sacrificium: Quod tamen ipse nulla vñquam scriptura probauit, neque in eternum probare poterit. Interim ita innititur somnio suo, cæcus & amens, vt veritatem Ecclesiæ, quam clare monstrauerunt ei plerique, aut furiosè contemnat ac blasphemet, aut maliciose dissi-

mulet ac transeat. Quid enim respondit Episcopo Roffensi? Quid Clichtoueo, Quid D. Ioanni Fabro? Quid Catharino? Quid Eccio? Quid aliis? qui latissimè probarunt, pro defunctis orandum ac sacrificandum esse? Quod si illorum opera nimium prolixa videantur, iube saltem, (Illustrissime Princeps) ut paruulo meo, quem de purgatorio Teuthonice scripsi libello, respondeat. Ait nunquam præceptum esse in scripturis, pro mortuis orare. Esto, ubi autem prohibitum est? qua igitur autoritate prohibet ipse, quod neque Christus, neque ullus Apostolorum, neque scriptura, neque Ecclesia prohibet? Quid, quod ipse in alio sermone met fatetur contrarium? Ita enim dicit intercedere cuilibet, licet, ut ego pro te, & tu pro me ores. Orare quidem in vita pro mortuis debemus, sed eos implorare, hoc nobis non est commissum. Ceterum, in Resolutionibus suis, per quas primùm innovuit mundo, longè clarius docet, quomodo sacrificandum, suffragandum, ac orandum sit pro defunctis. Quod nimis longum foret, si cuncta h̄ic recensere vellem: Vnum hoc dictum eius sufficiat, sub finem conclusionis XIX. positum, Hoc animarum (inquit) sanctissimum, sed anxiosissimum desiderium, meritò iuuat omnis Ecclesia, quantum potest, maximè, quando & Deus vult, illas per Ecclesiam iuuari. Et in sermone de indulgentiis, Mihi dubium (inquit) non est, Missam pro *Liberatas* *sermonis de indulgen.*

K iiiij

DE PURGATORIO.

defunctis celebratā, meliorem ac efficaciorē ad redimēdas animas, quām sunt indulgētiæ per

De abrogā. Missam quæsitę. At in libro de abrogāda missa *Missa parte secunda.* hæc omnia impudentissimè abnegat, & B. Gregorium in Dialogis (vbi multis exemplis & historiis probat ille, quantum prosint defunctis Missæ suffragia) superstitionis calumniosè arguit. Nunc tuā igitur (Illust. Princeps) cōscientiam appello, & rogo, vt omniū quoque Consiliariorum tuorum conscientias adiures, vt dicant tibi, vter librorū melius placuerit ipsis ab initio quando æditi sunt. Non dubito, quin Resolutiones preferat in corde suo: Cur ergo non approbent magis Lutherum ibi, quam in furioso libro contra Missam?

De Purgatorio.

CAPVT XXVIII.

Neque hīc satis sibi constat Lutherus: Aliquando enim constanter affirmauit Purgatorium, aliquādo in dubiū vocauit, aliquando in totū derisit & abnegauit. Ita enim scribit desertor iste ad desertores & desertos Valdenses, quam negatis purgatorium, damnatis Missas, vigilias, cœnobia, monasteria, & quicquid per hanc imposturam erectum est, per omnia etiam probo: Neque quisquam astringitur ad credendum, esse purgatorium, cum de hoc nihil sit in scripturis. Sic autē Deus forsā quosdā pios, mortis & inferni horroribus & tentationibus grauioribus exerçet, quæ vice

*Ad Vinaldē
ses de Eucha
ristia.*